



UKA 2017/109

2/10-2017

Justus Hansen

Uunga siunnersuut: Nalunaarasuartaatitigut atassuteqarneq nalunaarasuartaatitigullu kiffartuussinerit pillugit Inatsisartut inatsisaat nr. xx, xx. xxx 2017-imeersoq.

(Kommunitut, Nunaqarfinnut, Isorliuenerusunut, Attaveqatigiinnermut Ineqarnermullu Naalakkersuisoq)
(Siullermeenera)

Siunnersuutip matuma Naalakkersuisuneersup sorpaalussuit kalluarpai taamaakkaluartorli qularutissaanngilaq naalakkersuisoqatigiit socialistiusut siunnersuutaasa pingaernerpaatut siunertarigaa nalunaarasuartaateqarnerup qilersorsimavallaarunnaarnissaanik suliniuteqarnerup unitsinnissaa. Aamma sualummik ersarippoq kissaatigineqanngitsoq angallattakkanik oqarasuaateqarnerup qinersorsimavallaarunnaarnissaa.

Demokraatini paasisinnaangilluinnarparput tunngaviusumik isuma piinnarlugu itikkaatitsineq. Paarlattuanik isumaqaraluarput inatsisiliortoqartariaqaraluartoq, qilersorsimavallaarunnaarsitsinissamut sinaakkusiisumik, atuisut akikillisaallugit aamma pitsaanagerusunik periarfissanik pisisinnaalersillugit.

Demokraatinimi isumaqarpugut, atuisartut namminneq toqqaasinnaalersillugit unammilleqatigiittoqaleraluarpat kikkut tamarmik atortunik pitsaanagerusunik akikinnerusunillu pisisinnaalissagaluartut. Tamannalu tunngavigalugu aaqqiissutissat pitsaanagerpaartarigaluarpaat allat Tele Postimut unammillersinnaasut ammaannissaat. Tamakku tunngavilersuutigut arlaannulluunniit attuumassuteqanngitsut Copenhagen Economicsip suliarisaani nalunaarusiami "Kalaallit Nunaanni nalunaarasuartaateqarnerup qilersorsimavallaarunnaarsinneqarnerata aningaasarsiornikkut inuiaqatigiinnut kingunissaanik misissuineq" -mi ikorferneqarnikuupput.

Tassani naqissuserneqarpoq, oqarasuaatit angallattakkat pillugit immikkoortoq qilersorsimavallaarunnaarsinneqaraluarpat inuiaqatigiit ukiumut 69 millioner koruunit 112 millioner koruunillu akormanni sipaartinneqartassagaluartut. Tamatuma qaavatigut unammilleqatigiinnerulernerup kinguneranik atuisartunut akit appassagaluarput aamma. Tamaattoqartartoq uppenarsereernikuupput, interneti qilersorsimavallaarunnaarsinneqarmat.

Sooruna Naalakkersuisut nunarsuarmi angallattakkanik oqarasuaateqarnermi akit qaffasinnerpaarpaat aalajangiusimaruskkaat? Tamanna Demokraatini paasisinnaangilarput.



Inuiaqatigiit pitsaanusunik akikinnerusunillu neqeroorfigineqartalernissaat kissaatigaarput, taamatulli ineriartortoqarsinnaanera qatanginnartussaavoq manna siunnersuut akuersissutigineqassagalarpat.

Tamanna tunngavigalugu siunnersuutip itigartinneqarnissaa inassutigaarput.